

蘇志 88

40200-117

7411

部=112

木續小志

戊辰七月重印

木瀆小志

李根源署



木瀆小志序

余自感世變謝春明返里輒樂與山林士作緣從而弋異聞訪古蹟以爲常張子壬士居木瀆山中究心史地學嘗輯晉書徵及元史地理通釋二書又東瞻泰岱謁孔林孟廟南泛聖湖上匡廬西泝汴洛窺黃河鐵橋俯仰伊闕龍門之勝道武漢而歸其志趣遠矣余聞其名而未及數數覲也戊午夏吳縣修志局開幕延君采訪並委任繪圖事時相過從出畧其木瀆小志六卷蓋平日留心鄉土故實隨手鈔錄而成者展閱一通知其蒐采廣抉剔精於山水古蹟人物拾遺訂誤幾無纖芥憾尤自謂不涉迷信不事溢譽惟攸關綱常大節雖窮鄉坵巷匹夫匹婦

若有味乎其言之所以挽頽風懲末俗也是能於他小志外別樹一奇矣今歲因里人愆恩付梓問序於余自維滄桑而後鄉居掃軌方將謝絕一切顧私念平生登山癖君若與吾同嗜所矧保墓會君亦屢往調查又縣志各圖煩君悉心摹繪爲人之所不樂爲蓋苦心孤詣士也義不容以他故辭爰掇其大概爲弁數言於簡端重光作噩歲夏歷中秋節平江遺民吳蔭培謹叙

木瀆小志序

士生近代好古則遺今驚今則蔑古每不難於文才而難於史才志乘之作與史例同大而一邑小而一鄉有待於博古通今之士爲之表彰者多矣木瀆爲吳縣首鎮東達城堙太湖界其西綿互於南北者皆名山也其間可師可敬之人可驚可愕之事可傳可法之文章何可勝數顧自明季馮翼撰瀆上編後將三百年莫爲蒐輯湮沒無聞遂使祖宗歌哭之鄉童稚釣遊之地猝有所叩茫乎莫辨傷已我友張壬士先生邃於史學貫澈古今有鑒於鄉土文獻無徵不信久且失傳將何以勸來者於是有木瀆小志之作余讀之而驚而喜而愧且感夫志等於史

非可嚮壁虛造木瀆旣無舊志而縣志所載又百不及一廣益集思猶虞不給先生乃獨力成之我是以驚也名勝古蹟村落道里時有變遷第憑載籍動致模糊先生爬羅剔抉又必親歷其境周咨而博訪之故能瞭如指掌無豪髮憾旣足正諸書之誤更可啓後學之蒙我是以喜也我家先世自明嘉靖辛酉卜宅兆於花園山就塋旁築桃浪館靜文閣以課諸孫迄今甲子六周家乘散佚自維不肖不能闡揚先德以發幽光茲得附見於册使後世子孫有所稽考又安得不愧且感耶獨是木瀆區區一市地方不及百里限於區域不能悉志先生以爲小雖謙詞誠不過小試其才耳然而體例當采訪精搜羅徧較諸瀆上

編有過之無不及卽小可以見大矣方今禁令廢弛私史無罪
苟寬以歲月竭其才力心思以成一代著作必大有可觀者先
生其有意乎則此志固嚆矢也歲在辛酉莫春之初姻世愚弟
郭紹裘序於退耕廬

木瀆小志目錄

吳縣張郁文壬士甫輯

卷首 凡例 地圖

卷一 區域 都邑表 選舉表 山水 古蹟

卷二 人物 名臣 孝子 逸民

卷三 人物 文學

卷四 人物 列女 方外 工伎

卷五 寺觀 祠廟 冢墓 物產 風俗

卷六 藝文 雜誌 題詠 駢言

附光福諸山記

木瀆小志

目錄

一

蘇州觀前街利蘇印書社承印

校閱諸人姓名

袁光裕 昆 蘇

柳宗棠 君 牧

姜文蔚 仲 青

嚴良燦 子 絢

袁培基 幼 辛

金光穆 蓉 初

凡例

- 一鄉土事實範圍狹小凡已見府縣各志者不妨少略他處須較舊志加詳本書紀載法從之
- 一鄙人先擬木瀆駢言同人敦促注釋因徧采各書略述六卷以爲塞責非敢云作也
- 一區域先市鎮次鄉都而以警區學區爲標準 圖表附
- 一山水或與他市鄉連界不能畫斷者如茶磨之屬橫山華山之近天平橫塘在胥江中間皆連類及之
- 一古蹟全錄凡第宅園林並入焉
- 一本鄉區域既窄人物志不分名宦寓公凡住居稍久者皆列

之但析名臣孝子逸民文學數門

一名臣須與本鄉有關係孝友隱逸取其較著者文學自縣志外采諸木瀆詩存者十之七八近人亦稍稍附錄

一列女不僅標名氏而主事實

一方外略舉數人舊縣志有工伎傳實業時代趨重工藝錄此以爲進步之一助


一寺觀有興有廢略加刪汰祠廟冢墓以正誤補遺爲主

一物產取其確在本處而有名者風俗與各處大同小異不煩贅

一藝文但標總目遵舊例也游覽諸作已分注山水古蹟下

一雜誌不專主一方旁采異聞隨筆記錄未免蕪雜不倫然或
資考古或誠方來間附詩篇亦攸關風化增長閱歷者居多
讀其詞未必不如聽吹竹彈絲敲金戛石也
一是編山輿水曲得諸親歷補傳諸人借觀遺稿譜牒至二十
餘種故較爲明碻惟末學軫才取舍寡當不無自憾異日尙
需更訂 大雅君子幸共諒之

木瀆鎮圖




姑蘇臺

靈巖山圖



天平山圖



一雲山

牛首山

金山

雲山

雲白上

屋

飛來峯

雲白中

石丈五

朝萬笏

泉雲白

桃花澗

境范

白雲寺

高義園

宛轉橋

御碑亭

聖地山

雲山

畫雨



木瀆小志卷一

區域

市鎮 木瀆為吳邑首鎮其名始見於元豐九域志宋史因之

明清兩朝設官分理明季馮翼有瀆上編四卷民國初元更畫市鄉區域

而事務益多 吳中地名多取溪瀆如射瀆練瀆管瀆菱瀆

之類多矣相傳昔時吳王得越貢神木將築姑蘇臺積材三

年連溝塞瀆木瀆之名由此始也 木瀆十景曰法雲古松

白塔歸帆南山晴雪斜橋分水虹橋晚照下沙落雁山塘榆

蔭靈巖晚鐘姜潭漁火西津望月吳溥有木瀆雜詠詩十首

鄉都 區內五六都為太平鄉十一十二都為至德鄉十三十

木瀆小志 卷一

四都為胥臺鄉

四至 東至運河 東南界石湖

南至堯峯山 西南出太湖

西至穹窿山 西北界白羊山

北至支硎山 東北界楓橋

東西三十五里南北二十四里

御道 御馬頭在木瀆市東清聖祖高宗駕幸靈巖御舟停泊

處也王汝玉香溪雜詠詩山近靈巖地最幽香溪名勝足千秋翠華侈說曾巡幸錦纜高牽御馬頭御道有

二一自盤門橫塘來至木瀆上靈巖又西經獅子口一自楓

橋抵支硎寒山龍池轉南行出獅子口與南御道合而西行

過善人橋直至元墓山而止

南巡盛典康熙二十三年甲子十月幸蘇州駐虎邱二十八年

已二月四日御舟至木瀆舍舟登陸幸鄧尉次日天雨幸靈

巖山覽琴臺響屨廊玩花池諸勝三十八年已卯四月三日幸

華山四日出胥口渡太湖幸東山 乾隆十六年辛未二十二

年丁丑二十七年壬午三十年乙酉四十五年庚子四十九年甲辰凡六

次南巡至蘇州徧幸靈巖天平支硎及穹窿鄧尉而駐蹕靈

巖山行宮尤多御製靈巖雜詠用沈德潛韻至五疊前韻又

襄陽舉人皆一時盛事也

公署 明洪武二年始置木瀆巡檢司前清乾隆十一年更駐

木瀆 小志

卷一

二

蘇州觀前街利蘇印書社承印

縣丞咸豐庚申廳署被燬今改巡警局

民國元年木瀆設初級審判廳借竹林庵

為公署四年撤銷

歷任縣丞姓名前無記載但舉其可知者

李再洑嘉慶間任

袁 縉 徐承恩 錢德承道光間任

何松燾 魯邦望 沈錫華咸豐間任

裘萬青 金慶恒 梁肇煌 白誥卿 趙景禧同治間任

甘耀森 許 王世藻 范景賢 李 弼

孫子銘 蔣元榕 趙光裕 沈 潮 王華霖

陳先烈 吳樹楷 朱正倫 吳德輝 王孝同

張星 光緒間任

楊顯樞 湯毓楙宣統間任

敵樓 縣志木瀆敵樓在木瀆鎮白塔橋南塊規制如楓橋 方廣

十三丈有奇高三丈六尺有奇下壘石為基四面發磚中為三層上覆以瓦旁列孔發矢石銃砲 明嘉靖三

十六年巡按御史尙維持建 按方輿紀要木瀆鎮下云嘉

靖三十四年官軍自跨塘橋追倭賊殲之於此蓋是樓建築

在任環平倭時 互見祠廟 其由來久矣里人為保存古蹟時加修

繕以其址有白塔橋亦木瀆十景之一也近東西洋人游歷

至此每攝影而去 王汝玉香溪雜詠有詩 楓橋敵樓建置與木瀆同時

亦名鐵鈴關

木瀆小志

卷一

三

蘇州觀前街利蘇印書社承印

營汛 明嘉靖三十四年巡撫都御史曹邦輔添置胥門營東

跨塘營胥口營後廢

木瀆汛把總一員屬撫標中軍轄光緒十年鹽匪充斥添設

防營於三義閣後撤銷 民國元年郡廟內駐營兵一隊保衛地方三年秋撤銷

社倉 吳縣社倉其一在木瀆厥八間乾隆間曾實力奉行後

廢今御道旁倉基是也

善堂 嘉慶初縣丞李再涑設木瀆義學二十四年里人朱綸

榮創建濟善堂於城隍廟側惜字掩埋周孝垓捐錢五百千

公儲義學收息以備修脯 石韞玉記 咸豐庚申並燬同治中就廟

北租房改建善堂并設義塾教里中子弟 以上略見府志 歷屆里紳

捐助積共有田五百三十八畝零一切慈善事業皆仰給焉
光緒丙午年併入自治公所辦理

保節局在山塘光緒乙未年馮紳芳植創辦仿安節局章程
留養節婦并設義塾以教其孤兒焉

留嬰局牛痘局並附設市公所內

市公所 在珠巷弄光緒丙午朝旨預備立憲秋七月由陶副
貢貽助孔主事昭晉顧主事彥聰等就里中組織自治會參
照英美章程董事由投票選舉二年一任時蘇省惟上海常
熟有之他處未有也民國元年實行地方自治改名木瀆市
自治公所有董事會議事會軍警政學各務集議一處頗形

繁劇其後次第分析行政範圍稍狹矣四年後政體變更又
易名公益事務所

警區 新設在木瀆中市有吳縣第二警察分所署

五都區共十二畝 木瀆南街及西跨塘屬焉

六都區共十二畝 有胥口鎮

十一都區共二十八畝 有楓橋西津橋鎮

十二都區 一二三畝與木瀆連界
十八畝吊圖在木瀆

十三都區共十六畝 木鎮市東屬焉

十四都區共十九畝 木鎮中市西街山塘屬焉

學區